



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎԱՅՈՑ ՁՈՐԻ ՄԱՐԶՊԵՏ

ք. Եղեգնաձոր

ՈՐՈՇՈՒՄ

N 106

12 դեկտեմբեր 2011թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶԻ «ՋԵՐՄՈՒԿԻ ԱՌՈՂՋՈՒԹՅԱՆ ԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼՈՒՄ ԵՎ «ՎԱՅՈՑ ՁՈՐԻ ՄԱՐԶՊԵՏԻ 2007ԹՎԱԿԱՆԻ ԴԵԿՏԵՄԲԵՐԻ 5-Ի ԹԻՎ 106 ՈՐՈՇՄԱՄԲ ՀԱՍՏԱՏՎԱԾ «ՋԵՐՄՈՒԿԻ ԱՌՈՂՋՈՒԹՅԱՆ ԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Բաժնետիրական ընկերությունների մասին» Հայաստանի Հանրապետության օրենքի 35-րդ հոդվածի 1-ին և 6-րդ կետերի, 67-րդ հոդվածի 1-ին կետի «ա» և «է» ենթակետերի, «Իրավական ակտերի մասին» Հայաստանի Հանրապետության օրենքի 70-րդ հոդվածի 2-րդ և 5-րդ մասի, «Հայաստանի Հանրապետության մարզերում պետական կառավարման մասին» ՆՀ 728 հրամանագրի 1.6 կետի դրույթներով և ի կատարումն Հայաստանի Հանրապետության կառավարության 2011թ. հունիսի 17-ի «Հայաստանի Հանրապետության կառավարության և Չինաստանի Ժողովրդական Հանրապետության կառավարության միջև 2010թվականի դեկտեմբերի 27-ին ստորագրված պայմանագրի շրջանակներում շտապ օգնության գծային ավտոմեքենան, Շտապ օգնության ռեանիմոբիլը և դրանց օժանդակ սարքավորումները նվիրաբերելու մասին» թիվ 874-Ա որոշման 4-րդ կետի պահանջի

ՈՐՈՇՈՒՄ ԵՄ՝

1. Հայաստանի Հանրապետության Վայոց ձորի մարզի «Ջերմուկի առողջության կենտրոն» փակ բաժնետիրական ընկերության կանոնադրական կապիտալը

Handwritten signature

ավելացնել 13875000դրամով, այն սահմանելով 64733000դրամ, որը համապատասխանում է 50858հասարակ(սովորական) բաժնետոմսի՝ մեկ բաժնետոմսի արժեքը՝ 1273դրամ:

2. Հայաստանի Հանրապետության Վայոց ձորի մարզպետի 2007թվականի նոյեմբերի 5-ի ««Ջերմուկի հիվանդանոց»» փակ բաժնետիրական ընկերության անվանափոխման մասին» թիվ 94որոշմամբ հաստատված Հայաստանի Հանրապետության Վայոց ձորի մարզի ««Ջերմուկի առողջության կենտրոն »» փակ բաժնետիրական ընկերության կանոնադրության 4-րդ կետի 4.2. ենթակետը շարադրել հետևյալ խմբագրությամբ.

«4.2. Ընկերության կանոնադրական կապիտալը կազմում է 64733000դրամ, որը կազմում է 50858 հասարակ (սովորական) բաժնետոմս:Մեկ բաժնետոմսի անվանական արժեքը կազմում է 1273դրամ:

1 հասարակ(սովորական) բաժնետոմսը տեղաբաշխված է և պատկանում է հիմնադիրին՝ Հայաստանի Հանրապետությանը»:

3. Հանձնարարել՝ Հայաստանի Հանրապետության Վայոց ձորի մարզի ««Ջերմուկի առողջության կենտրոն»» փակ բաժնետիրական ընկերության գործադիր տնօրեն Վարդան Սարգսյանին.

Հայաստանի Հանրապետության օրենսդրությամբ սահմանված կարգով համապատասխան փաստաթղթերի փաթեթը ներկայացնել Պետական ռեգիստրի գործակալության Վայքի տարածքային բաժին, պետական ընթացիկ գրանցում կատարելու համար:

4. Սույն որոշման կատարման հսկողությունը հանձնարարել Հայաստանի Հանրապետության Վայոց ձորի մարզպետարանի աշխատակազմի առողջապահության և սոցիալական ապահովության վարչության պետ Էսաչիկ Գևորգյանին:



Ս. ԲԱԳՐԱՏՅԱՆ